

大學衍義補卷之十五

閣臣前國子監祭酒丘濬進呈

明
經筵日講官左諭德陳仁錫評閱

治國平天下之要

固邦本

重民之事

舜典咨十有二牧

養民之官

曰食哉惟時

朱熹曰王政以食爲首農事以時爲先舜言足食之道惟在於不違農時也

臣按君之所以治者以民民之所以生者以食

食之所以足者以農。農之所以耕者以時。人君所以設爲州牧以子養乎民。使之得以遂其生。欲遂其生。日食不可闕。欲足其食。農時不可違。此帝舜所以咨牧而必以食爲先。而勉之以時也。

帝曰。棄。黎民阻飢。

厄也。

汝后稷播

布也。

時百穀。

臣按帝舜於咨四岳。求奮事功。熙帝載之後。卽首命棄以仍其舊職。而後繼之敷教明刑之官。則農事在所重而當先。可知矣。

周公作無逸曰。君子所其無逸。先知稼穡之艱難。乃

逸則知小人之依。

蔡沈曰。農之依田。猶魚之依水。木之依土。魚無水則死。木無土則枯。民非稼穡則無以生也。故舜自耕稼。以至爲帝。禹稷躬稼。以有天下。文武之基。起於后稷。四民之事。莫勞於稼穡。生民之功。莫盛於稼穡。周公發無逸之訓。而首及乎此。有以哉。

臣按人君兢兢然。所以居其身於無時暇逸之地者。必先知夫稼穡之艱難也。備嘗其艱難之事。而後居於逸樂之地。則知小人之所依矣。小人所依。在乎稼穡。爲人上者。烏可縱己之欲以

妨農事而使之失其所依哉。

文王卑服。卽康功。

安民之功。

田功。

養民之功。

孔穎達曰。就田功。知稼穡之艱難。

臣按文王卑服。猶禹所謂惡衣服也。文王於衣

服之奉。所性不存。專意於安民養民之功。然不

謂養民而謂之田者。周家以農事開國。自公劉

以來。咸以稼穡爲事。而文王猶專心田事。卽是

以爲養民之功也。

周頌曰。嗟嗟臣工。

羣臣百官。

敬爾在公。

公家。

王釐。

賜也。

爾成。

成法。

求咨來茹。

度也。

嗟嗟保介。

農官之副。

維莫之春。

夏正三月。

亦又何

求如何新畬

三歲田

於皇

嘆美之辭

來牟

麥也

將受厥明

上帝之明

賜明昭上帝迄

至也

用康年

豐年也

命我眾人

甸徒

疇乃

錢

銚也。鉏也。二者皆田器也。

奄觀銍

穫禾短鎌也。

艾

穫也。

嚴粲曰。既嗟嘆而告臣工。又嗟嘆而戒保介。皆以

重農之意告之也。

臣按此周成王戒農官之詩。凡命他官皆無詩。

而命農官獨有者。蓋以農者王政之本。周家以

此開國故重其事也。成周盛時。其播時百穀之

事具有成法。羣臣百官。容或有不盡知者。故於

戒飭之際。致其深嘆之言。而且加以敬之一辭。

俾其詳考夫先王之成法以爲三農之勸相。旣不可失其時。又不可失其度。自耕種以至於收穫。無一不循其序。凡舊田與夫新田。無一不得其宜。官則盡其勸相之功。民則致其耕治之力。一一皆如先王成法可也。嗚呼。先王之世。盡心於農事者如此。秦漢以來。豈復有是事哉。

噫嘻。春夏祈穀于上帝也。其詩曰。噫嘻歎成王。旣昭

明格也。爾田官率時是農夫。播厥百穀。駿大發耕也。爾

私私終三十里。萬夫之田內亦服爾耕。十千維耦。二

耕並

臣按我朝學士朱善謂此詩舉成王之謚則成
王以後之詩也。成王既置田官而戒命之後王
復遵其法而重戒之。率時農夫。農官之職也。播
厥百穀。農夫之事也。終三十里。欲其地之無遺
利也。十千維耦。欲其人之無遺力也。吁。古之帝
王。致力於農事也如此。後世之君。聽民自耕自
穫。所以命官以治之者。徵租賦。督力役而已。能
其吏勿擾之。使其得以盡力南畝。已爲幸矣。況求其
教大戒。敕農官。勸相農民。勤勤懇懇如是夫。

周禮遂師巡其稼穡

春種曰稼
秋斂曰穡

而移用其民

謂此遂
之民移

用于彼

遂也。以救其時事。

謂如水潦暴至之類。合力救之。

遂大夫正歲簡

閱

稼器。

耒耜之類。

脩稼政。三歲大比。則帥

其吏而興眡。

舉民之賢者能者。

明其有功者。

農功之脩者則明之。

屬其

地治者。

屬聚也。地事之治者。

縣正趣。

催促也。

其稼事。

謂耕耘收斂之事。

而賞罰之。

勤者賞之。怠者罰之。

鄧長趣其耕耨。稽其女工。

勸織事也。

里宰以歲時合耦于耒。

耦並耕也。

以治稼穡。趣其耕耨。行

其秩叙。

秩謂多寡叙謂先後。

司稼掌巡視邦野之稼。而辨種。

先種後熟。

稂。

後種先熟。

之種。周

知其民與其所宜地。

所宜之地。

種

以爲法。而縣于邑閭。

臣按周禮周公致太平之書也。周家自后稷以來。以農爲國。故周公於書旣作無逸。以爲其君告。使其知小民之所依。而不敢逸豫。又於詩作豳頌。以爲其君誦。使其知王業之所起。而不敢荒甯。及其作周官也。一書之間。設官分職。其間爲農事者。不一而足。或以巡稼穡。或以簡稼器。趨其耕耨。辨其種類。合耦以相助。移用以相救。行其秩叙。懸其法式。又於三歲大比。以興其治田之眊。亦如大比之興賢能焉。或誅或賞。或興或廢。無非以爲農事而已。噫。周公之輔成王。陳

言以獻忠於上者。惓惓以稼穡爲言。建官以分

治於下者。諄諄以農事爲急。其知本乎。

月令孟春之月。天子乃以元日。上辛也。祈穀于上帝。乃

擇元辰。郊後吉日也。天子親載耒耜。措之于參。參乘之人。保介

也。衣甲也。之御。御車也。間帥三公九卿諸侯大夫躬耕。帝籍

天子三推。執耒而進謂之推。三公五推。卿諸侯九推。

又曰。王命布農事。命田。田也。畋舍。居也。東郊。皆脩封疆。田之

域。限也。審端徑術。術與遂通。田善相。視也。丘陵阪險原隰。土

地所宜。五穀所殖。以教道民。必躬親之。田事旣飭。先

定準直。農乃不惑。

臣按天子籍田千畝。收其穀爲祭祀之粢盛。故曰帝籍。謂之籍者。借也。天子執耒而進。然後借民力以終之也。古之天子。非無人可耕也。而必躬爲之者。豈專爲供上帝之粢盛哉。亦以爲天下之農民帥先爾。天子旣身爲之帥先。又必命田畯之官。居郊野之外。以督其耕。脩其封疆。以防其交爭。審端徑術。以通其水道。善相丘陵阪險原隰。以相其地勢。高下險易。燥濕土地。各有所宜。五穀各有所殖。教之使能其事。道之使達其理。皆須田畯躬親教飭之。以定其準。使得其

平。定其直。使得其正。則農民無所疑惑也。吁。以
九重之上。萬乘之尊。猶且躬爲之耕。則夫閭閻
小民。豈有不興起也哉。

季春之月。天子乃薦鞠衣。

色如鞠
花之黃

于先帝。

薦衣以命
祈蠶

命

野虞母伐桑柘。具曲

箔也

植

槌籩
席之粗者

筐

筐之方者。四
者皆蠶具。

后妃齊戒。親東鄉

去聲

躬桑。禁婦女母觀。

使不得爲
容觀之飭

省

婦使

咸省其
他役

以勸蠶事。蠶事既登。分繭稱絲。効功。以

共郊廟之服。母有敢惰。

孟夏之月。蠶事畢。后妃獻繭。

后妃受內
命婦之獻

乃收繭稅。以

桑爲均。

繭之多寡。以
葉爲均齊。

祭義古者天子諸侯必有公桑蠶室。君皮弁素積。卜
三公之夫人。世婦之吉者。使入蠶于蠶室。歲既單。也。盡
矣。世婦卒蠶。奉繭以示于君。遂獻繭于夫人。夫人繅
以爲黼黻文章。服既成。君服以祀先王先公。敬之至
也。

祭統。天子親耕于南郊。以共粢盛。王后蠶于北郊。以
共純讀作緇服。天子諸侯。非莫耕也。王后夫人。非莫蠶

也。

張栻曰。周家建國。自后稷以農事爲務。歷世相傳。
其君子則重稼穡之事。其室家則躬織紉之勤。相

與咨嗟嘆息。服習乎艱難。詠歌其勞苦。此實王業之根本也。如周公之告成王。其見於詩。有若七月。皆言農桑之候也。其見於書。有若無逸。則欲其知稼穡之艱難。知小人之依也。帝王所傳心法之要端在乎此。夫治常生於敬畏。而亂常起於驕肆。使爲國者。每念乎稼穡之勞。而其后妃。又不忘乎織紉之事。則心不存焉者寡矣。何者。其必嚴恭朝夕。而不敢怠也。其必懷保小民。而不敢康也。其必思天下之飢寒。若己飢寒之也。是心常存。則驕矜放肆。何自而生。豈非治之所由興也歟。美哉。周之家。

法也。其後幽王惑褒姒而廢正后。以召犬戎之禍。而詩人刺之曰。婦無公事。休其蠶織。蓋推其禍端。良由稼穡織絰之事。不聞於耳。不動於心。以至於此。故誦葛覃服之無數之章。則知周之所以興。誦休其蠶織之章。則知周之所以衰。其得失所自。豈不較著乎。

臣按天子之尊。非無可耕之人也。而必躬耕以共宗廟之粢盛。后妃之貴。非無可織之人也。而必躬蠶以爲祭祀之服飾。所以然者。非但身致其誠信。以祀神明而已也。亦將以其身爲天下

農夫蠶婦之帥先也。由是畎畝之間。閭閻之下。聞其風教者。莫不曰。以天子之尊。后妃之貴。猶不廢耒耜機杼之業。況吾儕小人乎。夫然。將見田里無不耕之夫。室家無不織之女。人人有業。家家務本。自然無遊手之民。末作之技。家給而人足。盜息而訟簡。民所以爲生者益固。國所以藏富者益厚矣。張栻以爲王業之根本。於是乎在。然推其根本之所以立。則又在乎

朝廷之上。宮闈之間。其言深至切要。所謂帝王所傳心法之要。端在乎此。誠非虛語也。伏望

明主於燕閑之暇留神垂覽天下人民不勝大願。國語周宣王卽位不籍千畝。虢文公諫曰不可。夫民之大事在農。上帝之粢盛於是乎出。民之蕃庶於是乎生。事之共給於是乎在。和協輯睦於是乎興。財用蕃殖於是乎始。敦龐純固於是乎成。是故稷爲大官。古者大史順時視也土陽瘳厚積也。盈土氣震發農祥房星也。晨正立春之日也。日月底于天廟營室也。土乃脈發。先時九日。大史告稷曰。自今至于初吉二月朔日。陽氣俱烝。土膏其動。弗震弗渝。脈其滿眚災也。穀乃不殖。稷以告王曰。史帥陽官春官以命我司事主農事官。曰。距今九日。